



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1709. usque ad annum 1714

**Fleury, Claude**

**August. Vind. [u.a.], 1782**

**VD18 90119266**

§. 51. Principum atque Illustrium obitus.

---

[urn:nbn:de:hbz:466:1-67615](https://nbn-resolving.org/urn:nbn:de:hbz:466:1-67615)

Sæc. XVIII. nihil disponent, & nonnisi eo præfente  
 A. C. 1714. rationes reddant.

§. LI.

*Principum atque Illustrium obitus.*

*Gottfrid.*

*Hist. cont.*

*Chron. l. 15.*

*oag. 30.*

*Briet. cont.*

*Annal.*

Hic quoque annus plurimorum Principum vitæ funestus, exitialisque fluxerat; hos inter Anna Stuarta Angliæ Regina die duodecima Augusti decesserat, non sine gravi Ludovici XIV. Regis dolore: Hic enim hujus mulieris mutabilitate in rem suam versa, excluso Carolo Archiduce, Philippum Andegavensem in Hispanicæ Monarchiæ solio confirmabat & occulto Anglorum, Hispanorum & Sabaudicæ Ducis fædere magna profus meditabatur consilia, atque inter ea, ut everta (uti creditum est) Batavorum Republica Jacobum III. Walliæ Principem, legitimum Anglici sceptri hæredem in thronum reduceret: quæ tamen omnia vastissima molimina unius foeminae fatum evertit; illa enim jam Mense Januario in gravem inciderat morbum, non sine maximi Parlamenti consternatione, & mensæ publicæ argentariæ dispendio: hoc tamen morbo adhuc defuncta Regina, rursus decima tertia Martii die Parlamentum ingressa est, ubi tamen vehemens admodum dissensio inter Senato-

natores exorta, cum nonnulli Successionis jus Hannoverano, alii vero ex Regio stemmate descendentibus servato nativitatis ordine illud vindicarent. Inde vero Regina anxiiis curis agitata palam declarabat, se absdubio vitæ suæ dispendio procurata hucusque Regni incrementa luituram: nec vanus erat hic timor; die enim nona Augusti apoplexiæ tactu correpta post incassum adhibitam Medicorum opem quinquaginta & unum annum cum aliquot mensibus nata Kessingthoniæ die duodecima ejusdem Mensis obiit, mox autem a sanctioris Consilii Viris Georgius Hannoveranus Elector in Britannia, Scotia & Hibernia Regem Londini præconis voce proclamatus est, Jacobus vero III. Angliæ Rex publico per Regnum disseminato scripto reclamans, legitimum successionis jus sibi reservavit.

Hujus Reginæ fatum præcesserat Maria Ludovica Philippi V. Hispaniarum Regis Conjux & Victoris Amadæi II. Sabaudia Ducis Filia, quæ Regiis plane dotibus ornata relictis quatuor Filiis die decima quarta Februarii nonnisi viginti sex annos nata cum ingenti illius Aulæ luctu Madriti mortalitatem exiit: Hanc pari mortis necessitate sequebatur Sophia Friderici V. Ele-

Sæc. XVIII.  
A. C. 1714.

Sæc. XVIII. Electoris Filia, & Georgii Hannoverani Electoris Mater. Hæc, cum ex Elisabetha, quæ Jacobo I. Angliæ Regis filia, & Friderico Electori nupta erat, nasceretur, ad Hannoveranos Britannici sceptri jus transtulisse dicitur. Decessit autem Hannoveræ die decima Julii anno ætatis octogesimo tertio, priusquam Georgium Filium suum in Anglia regnantem cerneret. Ueberioribus lacrimis Ecclesia Romana parentabat Antonio Ulrico Brunsvico-Lunenburgensi Duci, qui Sacris Romano-Catholicis jam ab aliquot annis ejurata Lutheri secta initiatus, strenuum constantemque fidei orthodoxæ Defensorem sese exhibuit, paucisque ante obitum suum mensibus ditionis suæ incolis liberum ejusdem Religionis exercitium permitti curavit, quapropter iteratis encomiis & literis a summo Pontifice honoratus est, quem, sanctamque Sedem immoto semper studio prosequabatur, etsi Pontifex ejus petitionibus, quas pro obtinendo Vicario Apostolico, & ejus Confessario Episcopi titulo decorando interposuerat, difficiles præbuisset aures: Obiit religiosissimus hic atque æterna memoria longe dignissimus Princeps anno ætatis suæ octogesimo primo die vigesima septima Martii, ob cujus jacturam Pontifex

tifex Ducissam Henriettam Christinam Sæc. XVIII.  
 ejus Filiam, quæ illum datis literis de A. C. 1714.  
 ejus obitu certiozem reddiderat, die  
 secunda Junii paterne & peramanter  
 solabatur, quanto autem doloris sensu  
 ipsam hujus Ducis mortem prosecutus  
 sit, mox patebit ex ejus oratione ad  
 Cardinales habita. Ediderat hic Prin-  
 ceptum librum sub titulo: *Cythara Davi-*  
*dis*, primo Norimbergæ Anno 1667. &  
 postea Guelferbiti Anno 1670. typis  
 impressum. Mortalitem insuper exiit  
 die quarta Maij Versaliis Carolus Dux  
 Bituricum tertius primi Delphini Filius,  
 nonnisi annos viginti tres natus. Cum  
 autem Ludovicus XIV. Franciæ Rex  
 intra tam breve temporis spatium tres  
 juvenes Principes Regios, regnique  
 hæredes præmatura morte decessisse  
 doleret, de proprio fato anxius & de  
 successore sollicitus die secunda Au-  
 gusti in Curia Parisiensi præsentibus  
 cunctis Regni Proceribus edictum pro-  
 mulgari jussit, quo legitimis Regni hæ-  
 redibus, filios suos spurios Ducem Ce-  
 nomanensem, & Comitem Tholosanum  
 ad succedendi jus aptos declaravit, ac  
 paulopost die vigesima octava ejusdem  
 Mensis testamentum suum septem sigil-  
 lis firmatum eidem Curia tradidit, ibi-  
 demque custodiri, nec ante obitum  
 suum quacunque ex causa recludi jussit.

Præter

Sæc. XVII. Præter hos autem obiire alii Prin-  
 A. C. 1714 cipes, & quidem die decima Octobris  
 Antonius Güntherus Anhaltino - Ser-  
 vestanus Princeps, & die vigesima nona  
 ejusdem Mensis Petrus Lusitanus Regius  
 Princeps ac denique secunda Junii Fri-  
 dericus Erdman Christiani Ducis Mer-  
 seburgensis Administratoris Filius.

## §. LII.

*Marchio de Prié Caroli Cæsaris Le-  
 gatus Romæ ingenti pompa  
 exceptus.*

Orat. Con- Cum Carolus VI. Imperator se sem-  
 sist. Cle. XI. per obedientissimum Romanæ Ec-  
 pag. 102. clesiæ Filium strenuumque ejusdem  
 Advocatum ac defensorem exhibere  
 studeret, hinc etiam hoc anno Mar-  
 chionem de Prié tanquam *obedientie Le-  
 gatum* Romam decernebat, ut summum  
 Pontificem de constanti filialis suæ erga  
 eundem Sedemque Apostolicam obser-  
 vantia studio certiolem redderet, si-  
 mulque enixe, reverenterque ab eodem  
 peteret, ut quicquid ejus Prædecessores  
 in rei imperialis, & Austriacæ com-  
 modum atque incrementum quovis  
 modo contulerant, ac deinceps confe-  
 renda forent, id omne Pontifex quo-  
 que S. Cæs. Majestati, Augustæque  
 Domui Austriacæ liberaliter imperitari  
 velit.